

ÇE YƏHYA DIMİNƏ NOMƏ

VƏSƏ

«Çe Yəhya Diminə Nomə» «sipirişi» tərəfo «bə səçin kardə bİə xanımı iyən bəçəy fərzəndon» nıvıştə bİə. Yəğın ki iyo imoniyon icmo iyən çəy uzvon nəzədə qətə beydən. Bı kirtə nomədə Yəhya təşviğ kardeydə imoniyon bıpiyişone iyəndı. Əv həmən əvoni pesoxtə təlim pevilo kardəkəson barədə çəşnavi kardeydə.

Kitobi məzmun:

1:1-6 Səlonon, mehıbbət iyən həğigət
1:7-11 Bə pesoxtə təlimi vəynə çəşnavi
1:12-13 Vido karde

1

Səlonon, mehıbbət iyən həğigət

¹ Az sipirişiku səlonon bıbu çımı de həğigiyə mehıbbəti piyə bə səçin kardə bİə xanımı iyən bəçəy fərzəndon! İqlə az ne, həğigəti sərəsəkəson həmməy piyeydəşone şımə.

² Çumçıko həğigət bəmənadə jiyeydə iyən hejo deyəmə bəbe. ³ Pİə Xıdoku iyən Xıdo Zoə İsa Məsihiku omə lutf, mərhəmət iyən sulh, həğigət iyən mehıbbətədə jiyə deyəmə bəbe.

⁴ Az vey şo bim zıneədə ki, ıştı fərzəndon arədə Pİəku bəçəmə sə əmri əməl karde-karde bə həğigəti mıvofiğ jimon kardəkəson hestin. ⁵ *Ha xanım, esət ıştıku əjo kardeydəm, bıpiyəmon iyəndı. Çımı in nıvıştəy qıləy tojə əmr ni, sıftəku çəmə molik bİə həmonə əmre. ⁶ Mehıbbət əve ki bə Pİə əmron mıvofiğ bıpiyəmon. Im həmonə əmre ki, şımə sıftəku məsəone, bəpe bı əmri mıvofiğ jimon bıkənən.

Bə pesoxtə təlimi vəynə çəşnavi

⁷ Dınyoədə vey duyəvoj bə məydon beşə, əvon ğəbul kardeydənın İsa Məsihi cismən omey. Imi kardə şəxs duyəvoj iyən Məsihi əleyhdore. ⁸ İştəni çəş bıkən ki, çəmə kəşə zəhməti fot nıkardə həmə mıkofoti səy bızınən. ⁹ İştəni ruhani zınə, Məsihi təlimədə nımandəkəs de Xıdo ni, həmonə təlimədə mandəkəs isə həm de Pİə, həmən de Zoəy.

*1:5 Yəh.13:34; 15:12,17

¹⁰ Qirəm i kəs şımə tonə bo ın təlimi ne, co təlimi omuto bəşmə, əy ğonəğ ğəbul məkən iyən hətto səlom mədən bəy. ¹¹ Çumçiko əy ğəbul kardəkəs bəçəy şərə əməlon xanboz beydə.

Vido karde

¹² Çımı bəşmə nıvıştənin bıə vey sıxan hestime, intasi nıpiyəmə bə koğəz iyən ğələmi uspur bıbum. Umudəvom ki, ıştən bomem şımə tonə, deşmə dimbədim qəp bəjem ki, çəmə dıl de şoyvo pur bıbu.

¹³ Xıdo səçın kardə ıştı hovə fərzəndon botı səlom vığandeydən.